

- c) nabavljati i upotrebljavati sredstva koja odbijaju divljač (repelenti) od usjeva i zasada i korištenje istih prema uputstvu proizvođača, odnosno korisnika lovišta,
- d) čuvati ili organizovati čuvanje ugrožene imovine korištenjem vezanih pasa, raznih plašila, svjetlosnih i zvučnih uređaja, loženjem vatre, spaljivanjem materijala čiji dim i gasovi odbijaju divljač i drugim prikladnim sredstvima,
- e) obezbijediti da se prilikom realizacije izvođačkih projekata u eksploataciji šuma isti realiziraju uz poštivanje šumarske i lovačke etike,
- f) koristiti mehanička sredstva za pojedinačnu zaštitu stabala voćaka i drugih sadnica (alufolije, metalne trake, plastične trake, plastične folije, plastične ili papirnate džakove, šiblje, kukuruzovinu i druge materijale),
- g) uklanjati usjeve i plodove sa površina u lovištu i u neposrednoj blizini lovišta u agrotehničkom roku i
- h) obezbijediti da pri obavljanju radova na površinama na kojima se uzgaja i štiti divljač poljoprivredne mašine (traktori, kosačice, kombajni i dr.) imaju postavljene plašilice (uređaje za plašenje divljači).

Član 5.

(Sredstva za zaštitu bilja)

Ako se za zaštitu poljoprivrednih i šumskih kultura upotrebljavaju hemijska sredstva štetna za zaštićenu divljač upotreba tih sredstava mora se vršiti na način koji je najmanje opasan za divljač u skladu sa uputstvom proizvođača. Sredstva za zaštitu bilja (hemijska i tehnička) smiju se upotrijebiti samo na način koji nije štetan za zdravlje divljači te na način kojim se ne ugrožava i ne zagađuje okoliš. Vlasnici odnosno korisnici zemljišta dužni su najmanje tri dana prije upotrebe navedenih sredstava, obavijestiti korisnika lovišta o mjestu, vremenu i načinu upotrebe.

POGLAVLJE IV. MJERE KOJE SU DUŽNI PROVODITI
VLASNICI STOKE

Član 6.

(Pojam stoke)

Pod pojmom stoke, a u smislu Zakona o mjerama za unaprijeđenje stočarstva ("Službene novine Federacije BiH", broj 23/98) i u vezi sa Zakonom o veterinarstvu ("Službene novine Federacije BiH", broj 46/00) podrazumijevaju se kopitari (konji, magarci, mazge i mule), papkari (goveda, bivoli, ovce, koze i svinje), peradi, kunići i pčele.

Član 7.

(Obaveze vlasnika stoke)

U cilju spriječavanja pričinjavanja šteta od divljači i na divljači, vlasnik stoke koja se nalazi na ispaši kao i na počinku dužan je obezbijediti slijedeće:

- a) čuvati i redovno kontrolirati stoku i u slučaju pojave šteta od divljači odmah, a najkasnije tri dana od dana nastanka štete pismeno obavijestiti Ministarstvo privrede Kantona Sarajevo,
- b) da stoka u vrijeme počinka ili odmora, bude zatvorena ili obezbijedena u odgovarajuće objekte izgrađene od materijala koji divljač ne može rušiti, a koji trebaju biti obezbijedeni odgovarajućim vratima sa sigurnim zatvaranjem što se odnosi i na objekte u vidu torova (obora) i sl.,
- c) objekti u kojima se stoka zatvara, a koji imaju prozorske otvore isti moraju biti obezbijedeni sa odgovarajućim prozorskim krilima ili poklopcima sa sigurnim zatvaranjem izrađenim od drveta, armaturnih mreža ili drugog čvrstog materijala koji onemogućava ulazak divljači,
- d) da pčelinjake pored čuvara čuvaju i rasni psi,

- e) stoku ispuštati na ispašu samo na površinama dozvoljenim za pašu,
- f) stoku ispuštati na ispašu pod kontrolom i uz stalni nadzor i obezbijedjenje čuvara. U skladu sa zakonima o veterinarstvu, pojam čuvar označava svako fizičko ili pravno lice koje ima odgovornost, čak i privremenu za životinje, uključujući i transport na pijacu ili klaonicu,
- g) da stoku na počinku i ispaši (kopitare i papkare) pored čuvara čuvaju i ovčarski rasni psi,
- h) da ovčarski psi smiju biti u lovištu samo uz stado,
- i) da se stoka ne ispušta (niti prolazi radi ispaše) na poljoprivredno zemljište i u šumu i šumsko zemljište ukoliko to nije odobreno od strane vlasnika ili korisnika zemljišta što se dokazuje ovjerenim ugovorom ili drugim aktom o korištenju zemljišta.

Član 8.

(Obaveze organizovanog istjerivanja divljači)

Vlasnici poljoprivrednih i šumskih kultura i vlasnici stoke dužni su sudjelovati u organizovanom progonu - istjerivanju divljači s ugroženog zemljišta.

POGLAVLJE V. PRIJELAZNE I ZAVRŠNE ODREDBE

Član 9.

(Odgovornost za naknadu štete)

Ukoliko oštećeni nije preduzeo propisane mjere zaštite, korisnik lovišta odnosno organ odgovoran za nadoknadu štete za štetu koju počinu zaštićena divljač nije odgovoran.

Član 10.

(Stupanje na snagu)

Ove mjere stupaju na snagu osmog dana od dana objavljivanja u "Službenim novinama Kantona Sarajevo".

Broj 07-06-26-15405/07

23. maja 2007. godine
Sarajevo

Ministar
mr. **Abid Šarić**, s. r.

**Ministarstvo za rad, socijalnu politiku,
raseljena lica i izbjeglice**

Na osnovu člana 12. Uredbe o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", broj 24/06), ministrica za rad, socijalnu politiku, raseljena lica i izbjeglice Kantona Sarajevo donosi

PRAVILNIK

**O SUFINANSIRANJU/FINANSIRANJU TROŠKOVA
RADA JAVNIH KUHINJA**

Član 1.

(Osnovna odredba)

Ministarstvo za rad, socijalnu politiku, raseljena lica i izbjeglice Kantona Sarajevo u skladu sa članom 12. stav 6. Uredbe o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", broj 24/06) sufinansira/finansira troškove rada javnih kuhinja Kantona Sarajevo (u daljnjem tekstu: troškovi rada).

Član 2.

(Troškovi)

Troškovi rada u smislu ovog Pravilnika su slijedeći:

- 1) Troškovi na pripremi i distribuciji toplog obroka po zaposlenoj osobi u javnoj kuhinji:
 - a) Sanitarni pregledi osoblja kuhinje i uposlenih na punktovima za podjelu toplog obroka (u daljnjem tekstu: punktovi) (5,20 KM),
 - b) Osiguranje osoblja kuhinje i uposlenih na punktovima (22,00 KM),

- c) Radna odjeća i obuća osoblja uposlenog na pripremi toplog obroka i uposlenih na punktovima (20,00 KM),
- d) Naknada za podjelu toplog obroka na punktovima (100,00 KM),
- e) U skladu sa Pravilnikom o radu, Općim kolektivnim ugovorom za teritoriju Federacije Bosne i Hercegovine i Ugovorom o radu sa poslodavcem određuje se visina:
- neto plaće,
 - naknade za topli obrok,
 - naknade za prevoz sa posla i na posao,
 - naknade za regrese.
2. Materijalni troškovi vezani za pripremu toplog obroka po korisniku:
- a) Energenti (struja i plin) i voda za pripremu toplog obroka (1,10 KM),
- b) Gorivo za prevoz hrane od dobavljača do magacina kuhinje (0,15 KM),
- c) Održavanje, osiguranje, registracija, vanredni tehnički pregled vozila za prevoz hrane od dobavljača do magacina kuhinje (0,15 KM),
- d) Materijal za održavanje higijene prostora i posuda u kuhinji (krpe, zogeri, spužvice, metle, deterdženti, žice za posude, truleks, toaletni sapun, sredstva za dezinfekciju) (0,20 KM),
- e) Sredstva za dezinfekciju radnih površina i posuda u kuhinji (0,15 KM),
- f) Tekuće održavanje prostora, opreme i inventara kuhinje (prostor, kazani, transportno posude, instalacije, hladnjaci i ostala oprema) (0,25 KM).
3. Materijalni troškovi vezani za distribuciju toplog obroka po korisniku:
- a) Energenti (struja i plin) i voda na punktovima (0,80 KM),
- b) Gorivo za prevoz hrane od kuhinje do punktova (1,20 KM),
- c) Održavanje, osiguranje, registracija, vanredni tehnički pregled vozila za prevoz kuhane hrane do punktova (0,35 KM).
4. Materijalni troškovi održavanja higijene prostora i posuda na punktovima po korisniku:
- a) Materijal za održavanje higijene prostora i posuda na punktovima (krpe, zogeri, spužvice, metle, deterdženti, žice za posude, truleks, toaletni sapun, sredstva za dezinfekciju) (0,40 KM),
- b) Sredstva za dezinfekciju radnih površina i posuda na punktovima (0,15 KM),
- c) Tekuće održavanje inventara i opreme na punktovima (0,10 KM).
5. Materijalni troškovi vezani za kontrolu hrane:
- a) Obaveze o kontroli hrane i radnih površina kuhinje po važećim propisima (74,00 KM mjesečno),
- b) Obaveze o kontroli hrane i radnih površina na punktovima po važećim propisima (za jedan punkt 37,00 KM mjesečno),
- c) Obaveze vezane za sanitarnu ispravnost vozila za prevoz kuhane hrane po važećim propisima (za jedno vozilo 30,00 KM mjesečno).

Član 3.

(Doznačavanje sredstava)

Sufinansiranje/finansiranje troškova iz člana 2. ovog Pravilnika vršit će se prema odobrenim sredstvima u Budžetu Kantona Sarajevo sa pozicije ovog Ministarstva.

Član 4.

(Stupanje na snagu)

Ovaj Pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 13-02-14024/07

10. maja 2007. godine
Sarajevo

Ministrica
Emina Dubravić, s. r.

SLUŽBENE OBJAVE

UDRUŽENJA

Na osnovu člana 33. stav 2. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja "AUTO MOTO KLUB KANTONA SARAJEVO", Ministarstvo pravde i uprave donosi

RJEŠENJE

1. U Rješenju Ministarstva pravde i uprave broj 03-05-05-116 od 14. 07. 1999. godine, kojim je upisano u Registar udruženja Udruženje građana "AUTO MOTO KLUB KANTONA SARAJEVO", pod rednim brojem 274, knjiga I, tačka 1. i 5. dispozitiva Rješenja mijenjaju se i glase:

"1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje "AUTO MOTO KLUB KANTONA SARAJEVO".

Skraćeni naziv Udruženja je: AMKK "SARAJEVO", sa sjedištem u Sarajevu, ul. Mula Mustafe Bašeskije br. 53.

5. Osobe ovlaštene za zastupanje i predstavljanje su:

- MUJO SALKIĆ, predsjednik Kluba
- FIKRET ŽUNIĆ, sekretar Kluba."

2. U ostalom dijelu Rješenje ostaje neizmijenjeno.

3. Upisuje se u Registar udruženja kod Ministarstva pravde i uprave Kantona Sarajevo promjena Statuta Udruženja građana "AUTO MOTO KLUB KANTONA SARAJEVO", broj 03-05-05-116 od 14. 07. 1999. godine.

Danom ovjere Statuta Udruženja "AUTO MOTO KLUB KANTONA SARAJEVO", broj 03-05-05-2477 od 07. 05. 2007. godine, prestaje da važi Statut broj 03-05-05-116 od 14. 07. 1999. godine.

Broj 03-05-05-2477/07

7. maja 2007. godine
Sarajevo

Ministar
Zlatko Mesić, s. r.

(O-317/07)

Na osnovu člana 29. stav 1. Zakona o udruženjima i fondacijama ("Službene novine Federacije BiH", broj 45/02), a po zahtjevu Udruženja Freestyle Ski & Snowboard club "MadStyle", Ministarstvo pravde i uprave donosi

RJEŠENJE

1. Upisuje se u Registar udruženja koji se vodi kod Ministarstva pravde i uprave Kantona Sarajevo Udruženje Freestyle Ski & Snowboard club "MadStyle".

Skraćeni naziv Udruženja je: "F.S.S & S.B.C.MadStyle", sa sjedištem u Sarajevu, ulica Trg ZAVNOBIH-a 12/3.

2. Upis je izvršen pod registarskim brojem 1016, knjiga II Registra udruženja, dana 14. 05. 2007. godine.

3. Programski ciljevi Kluba su:

- plansko usmjeravanje aktivnosti kluba u pravcu razvoja i unapređenja ski i snowboard sporta na osnovama prirodnih resursa i izgrađenih olimpijskih objekata na području Kantona Sarajevo;
- angažiranje u privlačenju novih članova ski i snowboard talenata, razvijanje i unapređenje ekstremnih sportova;
- organizovanje škole skijanja i snowboarda;